

高李迪先生大全集卷之十五

七言律詩

送人出鎮

家出山西負勇名，擁旌方見去粵城。
風生曉帳旌旗動，月落寒譙鼓角清。
麟閣封侯初受任，鴈門擒虜舊功成。
如今四海無征戰，雅詠投壺樂太平。

送周省郎之海虞判官

黃茅連野邑城荒，佐邑初煩舊省郎。
鴈起海風吹暮角，雞鳴關月照晨妝。
讀書臺下逢人少，濡墨廳中憶尉狂。
君到官曹無事日，一尊為我酌斜陽。

次張子宜園居

見山岡下竹蒙籠，亂後池塘野水通。
身影步隨花影日，鬢絲吹傍釣絲風。
已知處世無益更覺全生醉，有功誰道聞官貧去甚。
春來未典舊焦桐。

其一

早回高步謝天衢，應戀開園景趣殊。
養鶴堦除長得伴，種魚池沼不輸租。
官曹自古皆詩客，家世當年本釣徒。
苦欲相尋阻泥潦，滿林煙雨聽啼鴉。

遷城南新居

金保謹印 書館藏 齋印

清華書院

清華書院

平苦中年材有廬。東西長寄一囊書。未能避俗還依俗。堪信移居更索居。葉滿鄰園煙幕幕。竹連僧舍雨疎疎。何須許伯長安第。此屋翛然已有餘。

贈醫師王立方

醫得河間第五傳。尋師曾上海門船。龍方試後應名驗。鶴骨癯來已欲仙。渡澗蘄苓朝帶雪。隔林蒸朮午生煙。詩人亦有相如渴。願乞丹砂舊井泉。

吳縣庠訓導徐君善醫常起人疾求詩贈之

解榻高齋晝日遲。坐談周孔翰軒岐。仙人方在應藏枕。博士經橫每下帷。池上採芹風起處。階前晒藥雨

收時。病痊不使人栽杏。只要新題滿卷詩。

挽瞿隱君

壯志蹉跎爲亂離。蒼天不肯見清時。樓前鶴去飛雲遠。墓上人來宿草衰。親老還揮思子淚。弟愁長詠哭兄詩。兩年頻送交遊死。不似夫君最可悲。

次韻靈隱復見心長老見寄兼簡泐禪師

高堂鐘鼓毒龍驚。曾布袈裟海上城。廬嶽禪師傳法印。道園學士許詩名。幾趨北闕瞻天近。獨坐南屏對月明。書到喜聞雙徑老。雨華新散滿瑤京。

稚齋爲陳山人賦

華屋雖存忍獨居。愁瞻松柏倚踟躕。夕陽馬下高人墓。夜雨烏啼孝子廬。地掩衣冠魂去後。家畱圖籍手編餘。元方應有無窮意。陌上何年重駕車。

追次唐人韻

任俠平生慕灌夫。每思鳴劍起伊吾。歌調錦瑟初移柱。笑擲金盤已作盧。買妾競誇燕地女。求官不事黨家奴。灞陵獵騎歸衝雪。笑殺詩人燃凍鬚。

喜聞王師下蜀

蜀國兵銷太白低。將軍那拜漢征西。浮橋已毀通江鷓。進鼓初鳴突水犀。不假五丁開道遠。俄看萬甲積

大全集卷十五

三

山齊。從今險阻無人恃。夷貢南來盡五溪。

逢倪徵士

數千里外久相違。十八難頭偶獨歸。自說病來辭幙府。只因愁絕念庭闈。吳歌重把還鄉酒。蠻布猶穿過嶺衣。話蓋三年遊歷事。滿庭風雨送斜暉。

贈林泉民張夢辰次張貞居韻

雨船幾度載狂客。詩卷平生隨老翁。林下自成麋鹿友。世間相去馬牛風。曉窗炊熟露葵紫。秋寺寫殘霜葉紅。他日誰修耆舊傳。著君應在隱淪中。

倚樓

西館樓前見鴈行。桂花初白柳枝黃。凭欄有客迎秋
思。捲箔誰家出晚妝。未放離魂尋楚雨。已看歸鬢點
吳霜。自憐對酒還惆悵。不及分司御史狂。

其二

漠漠疎煙丹樹開。火經城苑減樓臺。雨初過處千山
出。人正愁時一鴈來。秋色自隨砧杵動。夕陽又被鼓
鐘催。詩成未盡登臨意。獨向蒼茫首重回。

闔閭墓

水銀爲海接黃泉。一穴曾勞萬卒穿。謾說深機防盜
賊。難令朽骨化神仙。空山虎去秋風後。廢榭烏啼夜
月邊。地下應知無敵國。何須深葬劔三千。

大全集卷十五

四

西塢

空山啄木聲敲鏗。花落水流縱復橫。松風吹響鶴翎
墮。梅雨過溪魚子生。尚有人家機杼遠。更無塵土衣
裳輕。斜陽已沒月未出。樵子歸時吾獨行。

過海雲院贈及長老

衲擁寒雲老一丘。遊方無夢轉悠悠。茶香吹過前林
曉。菜葉流來別澗秋。舊拂講餘懸壁上。殘經定後落
牀頭。紫藤塢裏歸逢雪。煨芋曾煩慰客愁。

送錢塘守

繁華莫歎異昇平到郡初煩露冕行
幙下吏書催署字湖中妓舫歌聲
潮來兩渡皆侵岸日落諸山半
入城休沐南屏煩一到松間尋我舊題名

張山人見訪畱宿草堂

夕陽欲沒靜沙虛喜子能來慰索居
生事蕭條慙客裏交情契濶歎兵
餘買魚急喚臨江艇炊黍深開暝
竹廚屈指故人能幾在莫辭同醉卧田廬

陪臨川公遊天池

騎馬尋幽度嶺遲老僧不識使君誰
門開紅葉林間寺泉浸青山石上池
殘果已收猿食少枯松欲折鶴巢危
壁間不用題名字無限蒼苔沒舊碑

大全集卷十五

五

客舍歲暮

空江寒雨送淒涼離舍無多即異鄉
井臼尚勤慙德曜音書未至憶平陽
心輕別歲憑年少夢喜還家及夜長
自笑病來詞賦拙懶從枚叟客遊梁

江上晚眺懷王著作

渡頭西望足離情晚水寒山雪後清
鷗立斷冰流漸遠鴉隨殘照去還明
漁人笛過風生浦估客帆迴樹絕城
范蠡祠前春意動思君欲放酒船行

答徐七記室病中作

空齋孤枕積書間清瘦憐君變舊顏累少亦憂今日
亂病多應賴此身閒朝辭鄰友看花去晚候家僮買
藥還知是苦吟猶未廢水邊深樹掩柴關

遊雲巖值雨

深殿幽廊映竹開鳥聲忽斷雨聲催蘚生偏上題詩
聲花落還臨說法臺林下聞鐘諸客散禩邊汲水一
僧來晚晴更好看山色西閣憑闌獨未廻

送張徵君南遊

故人多去不堪留况復看君更遠遊流落正逢搖落
景亂難還值別離愁夕陽亭上匆匆酒寒雨江邊渺
渺舟此後衡門應獨掩詩篇寂寞有誰酬

大全集卷十五

六

宿張氏江館

極浦荒雲一棹行遠投江館駐宵程客中得酒銜悲
喜亂後逢人說死生木葉未空寒鳥聚海潮欲上曙
雞鳴政憐此地無驚擾歸夢如何又入城

再遊南峰

放鶴亭前落葉重吟身獨上夕陽峰遠村近浦分諸
樹後嶺前山應一鐘高閣倚殘歸鳥過空林行盡老
僧逢步公駿馬嗟何處石上莓苔沒舊蹤

送李使君鎮海昌

州有雙廟

海風千里捲雙旌。按轡初聞屬部清。人。雜。鳥。夷。爭。千。
市。潮。隨。山。雨。入。秋。城。鳴。狐。不。近。昨。陽。廟。突。騎。猶。屯。廣。
利。營。肯。掃。帳。中。容。我。醉。夜。深。燃。燭。卧。談。兵。

賦得惠山泉送客遊越

雲液流甘漱石牙。潤通錫麓樹增華。汲來時冷和山
雨。飲。處。春。香。帶。澗。花。合。契。老。僧。煩。每。護。修。經。幽。客。記。
曾。誇。送。行。一。斛。還。堪。贈。往。試。雲。門。日。注。茶。

寄題張著作善山隱居

霞映青山似赤城。歸棲聞已謝時名。半湖殘雨收虹
影。幾。樹。斜。陽。帶。鳥。聲。竹。下。逢。僧。投。杖。揖。蘿。間。候。客。抱。

大全集卷一

七

琴行平生應笑王夷甫。末路方言少宦情。

送胡孝廉布東遊

春色偏傷楚客心。日斜芳草鷓鴣吟。山遮故國千重
影。雲。度。長。江。一。片。陰。少。婦。自。挑。燈。下。錦。諸。侯。誰。贈。紫。
中金。送。行。只。恨。華。鷗。淺。不。似。同。袍。別。意。深。

夜雨不寐

雨窗燭盡漏迢迢。秋滿牀幃酒易消。蟋蟀催寒輸絡
緯。梧。桐。闌。雨。勝。芭。蕉。漸。知。老。去。非。前。日。豈。信。愁。來。是。
此。宵。莫。聽。曉。鐘。聊。穩。睡。久。居。閒。退。罷。趨。朝。

煮雪齋爲貢文學賦禁言某

白掃瓊瑤試曉烹石爐松火雨同清旋渦尚作飛花
舞沸響還疑灑竹鳴不信秦山經歲積俄驚蜀浪向
春生一甌細啜真天味卻笑中冷妄得名

晚香軒

不畏風霜向晚欺獨開衆卉已凋時地荒老圃苔三
徑節過重陽雨一籬秋色蒼茫人醉少寒香落漠蝶
先知山翁獨念同衰晚坐對幽軒每賦詩

次韻倪雲林見寄

老來詩陣尚堂堂過宿曾畱讓丈牀病驥不堪迷遠
道孤松只合在高岡蕭蕭塵鬢驚寒色渺渺雲山斂
夕光莫道欲歸無好處便尋勾漏與華陽

其二

草滿當年食客堂一身投老寄僧牀秋風吟怨哀蘭
浦暮雨行愁苦竹岡任廣豈能諧薄俗養和且爲駐
顏光酒錢十萬今誰送獨嗅黃花對夕陽

荅韓長司用韻見贈并柬滕用衡

昔年載橐侍明堂每見論邊近御牀入幕乍參飛騎
將還家新卜卧龍岡秦山暮隔關雲遠吳樹秋涵海
日光共語東西宦遊事里中今喜有南陽

荅張文伯用韻見贈

早年說法已升堂夜雨長連聽雨牀珥筆便堪趨禁
省振表何必上重岡半簾藥氣疎煙退滿屋書聲落
月光愧我飄零荒舊學酒徒相逐醉高陽

喜逢賀叔庸送還錢塘

暫來還去獨翩翩賀監清狂已欲還三日小樓延解
榻幾人還浦送回船鴈呼舊侶投雲外梅試初花在
雪前歸去西湖柳邊宅定娛鶴髮慶新年

子祖授生

他日愚賢未可知眼前聊復慰衰遲人間豚犬應誰
子天上麒麟豈我兒夢兆先占神媪送啼聲還得使
君奇樂天從此休長歎已有人傳柏匱詩

大全集卷十五

九

喜張太常謁告歸途見訪雨中畱宿話舊

長嗟遠別望京城忽喜相逢駐驛程問舍求田慙我
鄙還家上冢羨君榮寒廳聯句圍爐坐晚陌趨朝竝
轡行舊事重談真若夢江湖夜雨一明燈

御溝

春含禁柳綠相和縈貫天津若絳河派出宮牆流葉
斷源通靈沼躍魚多曲迂月下龍舟轉清照雲開雉
扇過行客何須問深淺長流不盡似恩波

雲巖訪蟾公值雨畱宿次周記室薛間韻

日暮松間雨屐過懶殘不出近如何鐘聞下界歸人
少燈照空林落葉多別後有思還是妄定中無想不
成魔山靈盡意相畱客暗雨斜風滿薜蘿

送任兵曹赴邊

少年恥着惠文冠
幙下時時把劍看
官燭未銷雞送曉
軍笳忽動馬嘶寒
關連雲樹征途迥
塞接霜蕪戰地寬
見說長平門下客
奇材唯有一任安

吳下聞梁賓客子天爵復送還會稽

識君京國暫相從
別去堪憐此再逢
共把一盃官市酒
初聞半夜客船鐘
吳洲鴈落潮痕淺
越嶠猿啼樹影重
曾作尊翁舊僚屬
臨分離恨倍人濃

大合集卷十五

十

次韻俞士平見寄

一棹滄浪雨鬢絲
豫章老客苦相思
作歌幾日空招隱
載酒何人爲問奇
吳苑舊遊山色在
楚江歸夢月明知
莫言別後音塵絕
長倚東樓憶紫芝
酒音泥芝

登天界寺鐘樓望京邑

朝罷登樓賞晚晴
三山二水總分明
人間地湧黃金界
天上雲開白玉城
宮樹遠連江樹色
寺鐘微荅禁鐘聲
憑高空此觀形勝
深愧無才賦帝京

十二月十九日雪中

舟絕寒江凍不潮。紫沙拂柳影脩脩。纔從漁浦磯邊積，還向樵村竹外飄。撲馬憶從年少樂，點袍曾逐侍臣朝。如今獨坐吟詩句，茅屋茶煙冷未消。

過僧舍訪呂敏

僧舍

幾欲相尋與願違。今朝始得過禪扉。磬聲穿竹山房遠，齒齒粘苔石徑微。幽鳥每同馴鴿下，高人閒與老僧依。談詩說偈俱堪喜，坐覺茶香上薜衣。

新篁

南池雨後見新篁。裊裊煙梢漸出牆。風度亂翻交籜響，露垂微挹粉痕香。簾前嫩色初含暝，琴畔疎陰已送涼。野飯休燒林下筍，畱添碧玉嫩竿長。

大全集卷十五

十一

初夏江村

輕衣軟履步江沙。樹暗前村定幾家。水滿乳鳧翻藕葉，風疎飛燕拂桐花。渡頭正見橫魚艇，林外時聞響緯車。最是黃梅時節近，雨餘歸路有鳴蛙。

江村

南園薰風吹葛衣。汀花未露岸花稀。水神廟下莎侵路，江叟門前柳映磯。犢卧已知耕耒歇，鷗驚長見釣船歸。天隨宅畔吾曾住，畱得閒罾掛夕暉。

田園書事

西園春去綠陰成已覺南窗枕簟清簾捲斜陽歸燕
入池生芳草亂蛙鳴葉過穀雨花猶在衣近梅天潤
易生獨坐正知閒晝永吟餘消盡篆煙輕

梅雨

江南煙雨苦冥濛梅實黃時正滿空灑竹暗連湘女
廟隨雲遠渡楚王宮窗寒頓使拋紈扇衣溼頻催換
火籠幾度欲晴還復暝簾前不放夕陽紅

送行師還相川

江樹湖波繞相川南風中錫去翩翩村中乞米晨
畱鉢城外聞鐘夜泊船昔向名林曾說法今歸舊院定
安禪道心深悟俱浮幻不奈詩名滿世傳

大全集卷十五

十三

萱草

幽華獨殿衆芳紅臨砌亭亭發幾叢亂葉離披經宿
雨纖莖窈窕擢薰風佳人作佩頻朝採倦蝶尋香幾
處通最愛看來憂盡解不須更釀酒多功

雨過舟中看山

風雨山前暗荔蘿滿蓬涼思入滄波沙鳴正厭秋聲
急峰出還憐景趣多溪上雲收開遠樹田中水滿發
新禾舟人不用催歸速卧看青巒次第過

齊雲樓

境臨煙樹萬家迷勢壓樓臺衆寺低
北山形都聚曲欄西半空曾落佳人唱
千載猶傳醉守題劫火重經化平地
野鳥飛上女垣啼

靈巖寺

聞上香臺望下方漁村樵塢盡蒼蒼
傾城人遠苔生逕歸寺僧稀葉滿廊
雲散池邊畱塔影雨來閣外失湖光
廢興皆幻何須問獨自吟詩送夕陽

孤園寺

欲問南朝常侍宅已爲西域化人宮
山僧歸帶漁舟雨湖鳥來聞粥鼓
風橋掛垂簷秋殿暗波濤驚座夜
堂空給孤長者誰曾見應在煙雲杳靄中

開元寺石鉢

寶石當年琢帝青浮波不異木盃輕
傳靈已歷乾陀國乞食曾來舍衛城
漁父得時初洗獻法王在日每擎行
寺僧見客休頻出恐有藏龍此內驚

母虹橋

行人脚底響波濤驅石神鞭是孰操
影落蛟龍朝窟暗彤垂**燐燐**暮天高
煙中去憶鴟夷遠月下吟誇長史豪
壯遊誰賞秋色鱸魚新買繫歸舫

長安新遷客消息

龍吏相迎渡惡灘。到時應是幾旬間。猿啼嶺下梅花白。鰲去祠前荔子斑。名姓未看兵籍落。音書忽附估船還。莫言久作炎荒客。會逐陽和返故山。

秋日江居寫懷

每看搖落即成悲。况在漂零與別離。爲客偶當鱸美處。思兄正值鴈來時。天邊暝爲秋陰早。江上寒因歲閏遲。莫把手姿比楊柳。愁多蕭颯恐先衰。

其二

葭菼連秋渺。渺長歸舟猶歎滯。江鄉客衣欲冷。鄰機急。農事初成野飯香。千里斷雲隨鴈鷺。半村殘照送牛羊。有愁不解登高賦。空使頻廻宋玉腸。

大全集卷十五

十四

其三

吾在休誇術未窮。且將蹤跡託漁翁。芙蓉澤國瀾漫雨。禾黍田疇掩冉風。身計未成先業廢。心懷欲說舊文空。楚雲吳樹無窮恨。都在蕭條隱几中。

其四

風塵零落舊衣冠。獨客江邊自少歡。門巷有人催稅到。鄰家無處借書看。野蟲催響天將夕。籬豆垂花雨稍寒。終卧此鄉應不憾。只憂飄泊尚難安。

其五

桑芋翁家次近居人煙沙竹自成墟移門欲就山當
櫺補屋唯防雨溼書貧爲湖田長半沒拙因世事本
多疎當時亦有求名意自喜年來漸已除

其六

喪亂將家幸得全客中長恥受人憐妻能守道同王
霸婢不知詩異鄭玄借得種蔬傍舍地分來灌菊別
池泉却欣遠跡無相問一棹秋風笠澤邊

其七

秋塘門掩竹穿沙爲客鄰酷未易賒閒裏壯年慙白
日愁中佳節負黃花漁村靄靄緣江暗農徑蕭蕭入

圃紉薄俗相輕吾敢怨魯人猶自笑東家

漫成

柴門藥浦小江邊早得閒居是偶然兩岸晚風黃鳥
樹一陂春水白鷗天悠悠往事空書卷碌碌浮生只
釣船猶記京華爲客日幾回聽雨憶歸田

其二

已分棲遲不自疑江邊林下儘幽期病惟好懶寧須
藥心未忘機偶對葑間館雨聲花落夜深塘草色魚
飛時春來頗喜囊中富添得新成幾首詩

喜徐山人與浩師見過

遠煩支許問棲遲。正是山家橘熟時。爲吏得閒非是
隱。學禪有解只能詩。潮聲驚客江三里。秋色畱人菊
一枝。莫怪相逢意偏喜。碧雲紅樹久相思。

端陽寫懷

去歲端陽直禁闈。新題帖子進彤扉。大官供饌分蒲
盃。中使傳宣賜葛衣。黃繖回廊朝旭淡。玉爐當殿午
薰微。今朝寂寞江邊卧。閒看遊船競渡歸。

寄倪隱君元鎮

名落人間四十年。綠蓑細雨自江天。寒池蕉雪詩人
畫。午榻茶煙病叟禪。四面荒山高閣外。兩株疎柳舊
庄前。相思不及鷗飛去。空恨風波滯酒船。

木全集卷十五

十六

與杜進士寅登白蓮閣對雨

遠愁高樹共離離。風送潮聲上浦遲。海客市中煙起
處。江僧閣外雨來時。船歸杳靄唯聞榜。店隱蒼茫不
見旗。回首南朝今幾寺。可堪重詠牧之詩。

喜宋山人見過

攜琴遠趁渡江船。煩覓幽蹤浦樹邊。別久忽行梅又
發。話長應讓鴈先眠。一冬多煖天無雪。半夜初寒月
有煙。回首舊遊君莫念。歸來好共種吳田。

與姪常遊東菴

水樹圍蒼綠。幾層陰中敲戶。晝登登十年重到。猶爲
客半日。纔聞且訪。曾舊履塵生。跌後席亂。幡風颭供
餘燈高齋對。作忘言坐。此事堪憐。汝亦能

謝周四秀才送酒

和初上律

不忍醒愁。只欲眠。幾日花發。自江邊欲沽百錢未易
得。忽送一壺真可憐。梳頭好鳥語。窗下洗盞流水到
門前。今朝得醉已無恨。不使春光空一年。

上已有懷

春寒渾未減。征衣愁對佳辰坐。掩扉江上琴書畱滯
久。水邊車馬被除稀。閒園細雨梨花落。廢苑平蕪燕

大全集卷十五

十七

子飛欲覓蘭亭會。中友幾人遷謫未能歸。

徐記室賁北歸見訪南渚復送還城

初辭楚澤到吳村。訪舊嗟君古道存。欲治匆匆歸後
計難畱。款款坐中論。雲遲似讓梅先白。月早如愁樹
已昏。此別終非前別遠。孤舟江上莫銷魂。

被召將赴京師畱別親友

長送遊人作遠行。今朝還自別鄉城。北山恐起移文
誚。東觀慙叨議。論名路去幾程。天欲近春來。十日水
初生。只愁使者頻催發。不盡江頭話別情。

過故將軍第

甲第如雲紫陌東當年得意負邊功美人笑客登樓
上假子將兵衛閣中深計謾誇三窟固遊魂難返况
原空門前車馬今誰到零落槐花向晚風

雨中寄劉沈二別駕

漠漠春寒水繞城誰家可作看花行一盃不得三人
共二月都能幾日晴夢逐鶯聲風外斷愁兼草色雨
中生畫船載妓南湖上不似年時放浪情

丁校書見招晚酌

正坐羈愁不自聊遠煩舟楫暮相邀江懸落日猶三
尺風折垂楊定幾條流水入花村杳杳幽人對酒屋
脩脩此鄉不得君同客應是春來更寂寥

大合集卷十五

十八

杜二年四十鬚已多白戲作是詩

覽鏡憐君感歎深年來頷下忽霜侵未衰自計方強
仕早白應緣只苦吟雖尖家中嬌婢喜還招座上遠
朋欽到頭此物須常見好染虛消買藥金

愛姬祠

錦雲陣陣落紅衣波冷雙蓮慘夕暉故國草侵金輦
跡荒祠塵掩畫羅幃共哀艷質軍前歿誰見香魂月
下歸惆悵無人來酌酒綠楊惟有暮鴉飛

雲山樓閣圖爲朱守愚賦

白雲窈窕楚天陰半露樓臺出遠林
簾幙捲時秋雨歇鼓鐘鳴處夕陽沉
鶴從遼海天邊下猿隔巴山樹
裏吟爲問仙家在何處欲穿謝屐一登臨

夏夜

銀河欲轉漏聲稀坐詠閒齋夜掩扉
鵲影頻翻窗竹起螢光每拂徑莎飛
風生漸抖齊紈扇露下猶沾楚葛衣
自據胡牀相待月爲憐池上夜涼微

池亭書臥

曲闌虛幔映滄浪長日宜眠夢蝶牀
波影細搖侵簟影荷香遠漏雜爐香
不知道路方愁暑只愛池亭可

大全集卷十五

九

納涼何處鳴蟬驚睡起高槐陰外未斜陽

姑蘇懷古

麋鹿來遊客過稀消沉伯業在斜暉
遊帆自向湖邊落鳴鏜誰聞月下歸
烏喙計成檣柵至蛾眉舞罷綺羅非
如今始悟牽衣諫荆棘遺宮淚滿衣

宿山寺

蓮宮借榻喜涼生疑到天台近赤城
風度回廊秋欲動河窺高閣曙初明
泉聲正與松聲合僧夢頻同鶴夢驚
最喜此宵無熱惱莫教月落又鐘鳴

泛舟西湖觀荷

雨晴南浦錦雲稠。晚待湖平蕩漿遊。狂客興多惟載酒。小娃歌遠不驚鷗。半湖月色偏宜夜。十里荷香已欲秋。爲愛前沙好。涼景滿身風露未回舟。

馬璘畫 房是君詞名

燕睡簾前夜未深。羅衣應怯嫩寒侵。風傳漏板還堪數。月混梨花不易尋。翠館紅樓猶裊裊。華燈繡闥正沉沉。畫中一片春宵景。寫出閨人悵望心。

曉涼

驕陽未出曉涼生。滿櫺春風細髮輕。荷上露華翻曲沼。樹頭河影落高城。自舒清簟臨窗坐。又聽疎鐘隔寺鳴。却喜閒身無事役。不須早逐市人行。

大合集卷十五

二十五

蘆花簾

葵苒織出緯蕭機。未許蝦鬚獨銜奇。寒雪照庭晴不捲。白雲當戶畫長垂。恍疑桺絮風穿早。不管梨花月到遲。自是楚江秋一片。移來不使白鷗知。

雨中

二月水長折磯頭。茅屋恐隨江夜流。雨聲鳴瀨稍欲歇。雲氣出峽未能收。鷓鴣鷓鴣晚爭喜。楊柳杏花春自愁。幾日鄰家斷來往。出門應恨無扁舟。

王徵士東里草堂

久客因爲東里人年來移竹有僧鄰時名頗患緣詩
得野性惟知向酒新林下煙生門掩夕園中雪罷鳥
鳴春相期歲晚爲同社隔屋歌呼定不嗔

客舍寒食次周著作見寄韻

寒食江頭客未還獨臨流水見愁顏故園芳草斜陽
外空館疎華細雨間亂世求田雖自笑少年當路竟
誰攀主人莫折門前柳多病無書倦入關

新春次余左司韻

雪晴稍稍見花枝書閣朝眠日影移酒到好懷傾輒
盡詩逢高韻和應遲今朝閒豈尋春得前夜愁因送

大全集卷十五

十一

客知走馬南園芳草綠憑君莫問少年時

次韻楊禮曹秋日見贈

殘雨脩脩映彩虹憐君獨詠楚臺風遠江帆影秋蕪
外故苑砧聲晚樹中壯歲漸如辭幙燕閒身猶作蠹
書蟲雅音自古無能好莫向人誇瑟最工

次韻西園公詠梅

如何天與出塵姿不待芳名入楚辭春後春前曾獨
探江南江北每相思微雲淡月迷千樹流水空山是
一枝擬折贈君供寂寞東風無那欲殘時

其二

雪中無伴只孤芳。倚竹元非翠袖妝。馬上忽逢臨水驛。鶴邊俄見向山房。春愁寂寞天應老。夜色朦朧月亦香。此地一尊聊自戀。揚州回首已淒涼。

過吳淞江風雨不可渡晚覓漁舟抵松陵官館

風雨方知客路難。飛鴻相逐渡江濞。港收漁市舟歸晚。門掩官廳燭對寒。此地昔年曾遠宿。何人今夕共清歡。枕邊不爲江聲急。夢寐憂時未得安。

次韻酬張院長見貽太湖中秋翫月之作

洞簫聞處似黃州。月色惟過一半秋。兔闕何年丹桂種。龍宮今夜白蓮浮。露沾席上縱橫醉。天落舟前浩蕩遊。若上洞庭看玉鏡。兩山應是勝三洲。

暫宿行營舟中

蒹葭霜露冷侵船。落鴈驚烏總未眠。戍卒獨明高柵火。居人同宿廢村煙。醉中遠夢欺長夜。亂裏窮愁折壯年。莫問身閒何到此。久思提劍學防邊。

其二

角聲未起大星低。夜靜寒營獨馬嘶。樹葉蕭蕭霜後蝶。河流汨汨露中堤。一軍睡枕誰能穩。數里歸舟自欲迷。起望此時憂更切。邊烽不隔遠峰西。

首春感懷

初春風日自妍華。客意登臨只感嗟。陌上驚塵隨去馬。城邊遺柳斷棲鴉。亂來未覓無兵地。愁在空思有酒家。咫尺苑西誰解問。早梅還發去年花。

次韻楊禮曹雨中卧疾

階前曝藥雨來收。寒似人情戀故裘。壯歲間關元屬命。荒城蕭索不因秋。憶君我最相憐病。問汝誰能獨免愁。清坐自能消鬱結。古方休向篋中求。

其二

門前問疾幾人車。曲巷深深樹影斜。每愛積書緣有

大全集卷十五

十一

子。不愁聽雨爲無花。亂來官俸猶支粟。睡起僧書忽寄茶。何事一春頻謁告。只應來辨酒中蛇。

次韻王孝廉過澄照寺

汝向山中住十。題詩幾度見經過。彈琴只向寺前石。放棹每遊湖上波。空林雨過虎跡大。古屋雲生龍氣多。山僧好客未容去。落日更聽樵牧歌。

次韻王七仙

不從道士覓鷲羣。薰沐清朝謁老君。龍氣雙騰含景劍。蠹魚三食內篇文。山中石髓青如鐵。海上琪花白似雲。知子從來有仙骨。吹笙擬共接飛僊。

岳王墓

大樹無枝向北風。千年遺恨泣英雄。班師詔已來三
殿射虜書猶說。兩宮每憶上方誰。請劍空嗟高廟自
藏弓。棲霞嶺上今回首。不見諸陵白露中。

成恨淋漓一社悲壯

早春寄王行

江水江花只自春。不知容易解愁人。山川寂寞衣冠
淚。今古銷沉簡冊塵。草逢人空識面。匆匆為客莫
容身。十年憂患誰相慰。賴得君家是近鄰。

次韻僧懷德見貽

風雨兼愁過盡春。愧煩問訊社中人。牀頭檀與青山

大全集卷十五

十四

舊門外車隨白日新。說法空林三竺士。誦詩清夜五
臺賓。相思雖覺鐘聲近。猶隔城東十丈塵。

寄海昌李使君

海上波濤夜不驚。使君雖老尚能兵。荒煙白鹵家家
竈。落日黃罔處處營。人雜烏夷爭小市。潮隨山雨入
孤城。明朝破石山頭路。我欲停車聽頌聲。

次韻金文學送弟往海上

小陸賢如大陸賢。亂離為客最堪憐。橫金海上知虛
席。打鼓津頭看發船。麥氣曉晴田雉鬪。蘂香春暖野
鶯眠。明朝夢斷生芳草。風雨孤舟過練川。

過海昌贈使君李兼鎮撫

海上觀書逐使車將軍雙廟有遺墟已看田父迎苗
鬼未遣溪人射鱷魚日出鹽生沙地白潮來波動縣
城虛故人相識登樓意不是懷歸畏簡書

送王僧母入道

江夏千年有故家至今喬木哺慈鴉里間賢子初名
憲世說仙姑舊姓麻壽酒淋漓傾露舞衣零亂拂
飛霞不須三釜稱榮食自有金盤棗似瓜

荅薊丘聶才子

聞道詩狂復酒狂少年鞍馬鬪輕妝百金已醉名姬
館一劍還登俠士堂鳥起夜啼吳苑月鴈來秋帶薊
門霜亂餘零落無人識相逢向路傍

廉上人水竹居

水西分土一袈裝拄杖竹滿家掃石安禪無落
葉過溪送客有浮槎龍吟夜應潮生海鳥過寒鷺月
在沙林下本來參玉板不須更煮趙州茶

梅花九首

瓊姿只合在瑤臺誰向江南處處栽雪滿山中高士
卧月明林下美人來寒依疎影蕭蕭竹春掩殘香
夢苔自去何郎無好詠東風愁寂幾回開

其二

縞袂相逢半是仙。平生水竹有深緣。將疎尚密微經
雨。似暗還明遠在煙。薄暝山家松樹下。嫩寒江店杏
花前。秦人若解當時種。不引漁郎入洞天。

其三

翠羽驚飛別樹頭。冷香狼藉倩誰收。騎驢客醉風吹
帽。放鶴人歸雪滿舟。淡月微雲皆似夢。空山流水獨
成愁。幾看孤影低徊處。只道花神夜出遊。

其四

淡淡霜華溼粉痕。誰施綃帳護香溫。詩隨十里尋春

大合集卷十五

三

路。愁在三更掛月村。飛去只憂雲作伴。銷來肯信玉
爲魂。一尊欲放羅浮客。落葉空山正掩門。

其五

雲霧爲屏雪作宮。塵埃無路可能通。春風未動枝先
覺。夜月初來樹欲空。翠袖佳人依竹下。白衣宰相住
山中。寂寥此地君休怨。回首名園盡棘叢。

其六

夢斷揚州閣掩塵。幽期猶自屬詩人。立殘孤影長過
夜。看到餘芳不是春。雲暖空山裁玉繡。月寒深浦泣
珠頻。掀篷圖裏當時見。錯愛橫斜却未真。

其七

獨開無那只依依。肯爲愁多減玉輝。簾外鐘來初月上。燈前角斷忽霜飛。行人水驛春全早。啼鳥山塘晚半稀。愧我素衣今已化。相逢遠自洛陽歸。

其八

最愛寒多最得陽。仙遊長在白雲鄉。春愁寂寞天應老。夜色朦朧月亦香。楚客不吟江路寂。吳王已醉苑臺荒。枝頭誰見花驚處。嫋嫋微風蕪蕪霜。

其九

斷魂只有月明知。無限春愁在一枝。不共人言唯獨

大全集卷十五

二十七

笑。忽疑君到正相思。歌殘別院燒燈夜。妝罷深宮覽鏡時。舊夢已隨流水遠。山窗誰復伴題詩。

歸吳至楓橋 舊有塔今廢

遙看城郭尚疑非。不見青山舊塔微。官秩加身應謬得。鄉音到耳是真歸。夕陽寺掩啼烏在。秋水橋空乳鴨飛。寄語里閭休復羨。錦衣今已作荷衣。

送徐山人還蜀山兼寄張靜居

我因解紱遠辭京。君爲修琴暫入城。偶爾相逢春酒熟。飄然忽去暮煙生。山頭學嘯猶聞響。世上留詩不寫名。西磧煩詢張靜者。年來註易幾文成。

了髻峰

雙綰雲鬟作髻髻小姑當日嫁誰家雲滋細草頭梳
髮風動奇芳髻插花鸞鏡夜憑松掛月鳳釵春待竹
生芽行人莫起陽臺念雲雨無情路更賒

石牛

一拳怪石老山巔頭角崢嶸幾百年毛長紫苔春夜
雨身藏青草夕陽天中宵望月何曾喘盡日看雲自
在眠惱殺牧童呼不起數聲長笛思悠然

飲陳山人園次能翁韻

桃花梨花已狼籍躑躅花開如火炎時過上巳和而

大金集卷十五

天

暢人比杜陵清且廉園中雨流水遠砌林下鳥鳴風
滿簾把酒亦知君意好醉多謬語莫相嫌

寄題內弟周思敬野人居

野人何處是幽棲聞在天隨舊宅西半屋圖書春落
蠹一村花柳書鳴雞分泉自給烹茶水待雨惟耕種
藥畦日暮扁舟欲相訪恐驚鷗鳥過前溪

平伍子胥

地老天荒伯業空曾於青史見遺功鞭屍楚墓生前
孝挾日吳門死後忠魂壓怒濤翻白浪劍埋冤血起
腥風我來無限傷心事盡在越山煙雨中

弔七姬塚

夢玉連珠棄草根，仙遊應逐馬嵬魂。
孤墳掩夜香初冷，幾帳留春被尚溫。
佳麗總傷身薄命，艱危未負主多恩。
爭妍無復呈歌舞，寂寂蒼苔鎖院門。

郡治上梁

郡治新還舊觀雄，文梁高舉跨晴空。
南山久養千雲器，東海初生貫日虹。
欲與龍庭宣化遠，還開燕寢賦詩工。
大材今作黃堂用，庶多歸廣庇中。

萬木堂爲毘陵卞公禮賦

林隱高堂萬木青，森然玉立勢亭亭。
春風送暖花連砌，秋雨生涼葉滿庭。

大余集卷十五

五

坐愛繁陰簾半捲，卧聽靈籟戶深扃。
斧斤未許來樵採，要養長材獻大廷。

鶴瓢

產自靈苗勝雨胎，何須去作鳳匏來。
壺公本解飛騰術，丁令寧爲蕩落材。
直上青天身恐繫，倒傾碧海服初開。
生成自是神仙器，肯逐纍纍向草萊。

其二

遠隨仙客下青城，瘦骨肥來見盡驚。
藜杖夜懸翻露影，竹尊春瀉飲泉聲。
園中幾歲形容變，海上何時羽翼成。
醉聽樹頭風，歷歷還疑秋，偃九臯鳴。

次楊禮曹雨中養疴

午晴書閣暫令開，又聽鳴鳩竹外催。
身到遠山屏乍展，手持明月扇初裁。
綠芳消砌風前蕙，朱果封泥雨後梅。
曲巷掩關人寂寂，今朝問疾有誰來。

咏梅次衍師韻

水郭山村路半交，春晴依約見芳苞。
吳妃舞竟珠鈿委，漢女遊歸玉珮拋。
愁亂雪來朝，片片夢驚風過夜梢。
梢人問何處無開落，吹簫何須怨老蛟。

其二

壓枝何處斷人腸，欲問黃家第四娘。
雞早每驚煙際

大全集卷十五

二十

色蝶遲那識雪中香，林昏有霧籠綉帳。
江淨無塵染素裳，此地一尊聊自慰。
揚州回首月荒涼。

其三

海天寒玉人衣密，雨疎煙晚漸披春。
後春前曾獨看江南，江北每相思。
猿啼古驛征帆宿，馬立荒郊酒旆垂。
擬折一枝供寂寞，東風無那欲殘時。

其四

招得清魂白自工，長洲春到雪波融。
未逢人寄千山外，忽訝君來一夜中。
縱隱荒榛猶的皜，若穿深竹更玲瓏。
酒空客去愁多處，菽菽繁霜嫋嫋風。

莫學新妝入漢宮，春風多處易枝空。
遙情尚憶僧房裏，忽見偏憐客路中。
淡月微雲應萬樹，荒山流水只孤叢。
夢回一笑僊人遠，碧海青天沒斷鴻。

高季迪先生大全集卷之十六

五言絕句

觀軍裝十詠

曹

黃金冒虎頭乍免走豪酋還有從容處綸巾按壘遊
鎧

絲弗鏤文銀高城日照鱗攬來曾攪陣一鏃不傷身
轟

髮亂野牛驚神專大將營師行當禡祭壇下戮番生

大全集卷十六

刀

大食購千金妖精泣太陰燈前開匣看無限許君心

弓

燕角號良材樓煩擘未開秋風懸臂出何處一鷄來

箭

流星逐飛羽鏃利能穿札三發定邊歸簾中休滿插

麾

彩帛曳長虹悠悠卷寒風三軍齊陷陣應在一揮中

子

畫餘

誰論半段鎗日斜親鬪罷高宴卓沙場

袍

雕錦剪花團三邊總認看尋常不肯著風雪念兵寒
馬

羅帕覆春風連鞍賜有功蹄高騎得稱身出萬軍中
師子林十二詠

獅子峰

風生百獸低欲吼空山夜疑是天目巖飛來此山下
含暉峰

演漾弄清暉江山秋斂霏我吟康樂句日暮澹忘歸
吐月峰

大合集卷十七

二

四更樓鳥驚山白初上月起開東閣看正在雲峰缺
立雪堂

堂前參未退立到雪深時一夜山中冷無人祇自知
卧雲室

夕卧白雲合朝起白雲開惟有心長在不隨雲去來
問梅閣

問春何處來春來在何許月墮花不言幽禽自相語
指柏軒

清陰護燕几中有忘言客人來問不應笑指庭前柏

玉鑑池

一鏡寒光定微風吹不波更除荷芰影故取月明多
冰壺井

圓甃夏生冰光涵數星冷窗有定中僧休牽轆轤綆
修竹谷

翠雨落經牀林鳩午鳴後筍出恐人來編籬遮谷口
小飛虹

初看卧波影應恐雨崇朝過澗尋師去端如度石橋
大石屋

混沌復輪囷全無斧鑿紋門臨五湖水坐納四山雲
題雜畫

大全集卷十六

三

空山萬株木靄靄秋多晦屋在白雲中人歸白雲外
其二

欲尋江寺僧渡口孤帆發落日浦風生不畏春潮濶
其三

叢蒲亂石間水急魚難罩欲去尚殘陽看山一停棹
其四

風急楚江波佳人罷采荷離舟孤宿處淚少夜猿多
其五

孤柳影婆娑路入秋溪暮誰家繫榜來應待歸人渡
其六

驢影夕陽催空山不見梅愁腸如客路一日幾紫廻
其七

夕陽數峰遠靄靄江南思煙外有鐘聲山僧獨歸寺
其八

橋廻綠水斜春樹隔煙霞隱處誰云淺千峰只一家
其九

日出溪霧黃風廻不成雨何處趁墟人侏儻竝沙語
其十

遠岫淡煙光斜陽在釣航衆漁歸已盡獨自過寒塘
其十一

大全集卷十六

四

柳葉散空塘菊花明廢苑日暮問垞南舟行何近遠
其十二

山禽欲定棲竹風苦難靜殘雪墮驚梢脩脩一窗冷
和楊禮曹刺客三詠

錐

袖藏出屠市一揮報公子誰言上將雄不異孤豚死
其首

購自徐夫人欲堪秦皇帝銅柱火光飛奇鋒非不利
其首

王醉不知音亭前殺聲起勿輕無目人能爲有心鬼

得家兄在遠消息

家將遠人信復報遠人知世亂書難得開緘勝見時

其二

幾日看回鴈今朝尺素開應知在天末亦望弟書來

其三

歲晚各離家憐兄去路賒書來約歸近同看故園花

其四

江上有歸舟傳兄在石頭知安雖暫喜念遠更成愁

爲外舅周隱君題雜畫

斜陽榜釣船秋色滿江天彷彿吾家近沙村落鴈邊

大合集卷十七

五

其二

白鶴忽飛還松杉靄然暝明月出溪橋照見支筇影

其三

風雨過蒼嶠秋色渺江海白鷗期不來沙上人相待

其四

落葉帶回吹荒筠冒幽石池上鳥鳴時閒齋掩秋夕

其五

山深氣氣寒高齋掩窗卧林間踏葉聲知有樵人過

效陰常侍

滿江煙水綠幾里到巴州音書不堪寄一寄一沉雲

軟牆下草

青青牆下草，經霜未枯槁。雖是見春遲，還免逢秋早。
草堂梵僧

禮塔老番僧，唐言已漸能。夜無還國夢，石室坐懸燈。
新月

織織掛柈西，斜影低窺閣。黃昏難久看，初生是將落。
尋胡隱君

渡水復渡水，看花還看花。春風江上路，不覺到君家。
西寺晚歸

遠寺別僧歸，隨鐘出煙嶺。犬吠竹林間，斜陽見人影。
大全集卷十六

淵源堂夜飲

六

懸燈照清夜，葉落堂下雨。客醉已無言，秋蛩自相語。
和陳左司夜泊桐江

月出釣臺樹，長灘秋更喧。渾如宿巫峽，唯少一聲猿。
過師子林

雨餘鳥語涼，斜陽竹深見。頻來非看花，借讀高僧傳。
薔薇露盟手

蠻估海帆迴，銀鬕玉汞開。盟餘香滿手，恰似折花來。
西陂

芳草水東西，春風路欲迷。歸時不覺晚，山與夕陽低。

園中梨花唯開一枝

闌外見春遲。朝來雪一枝。不知初發處。誤道已殘時。
江上酒家

門戶曠垂楊。春槽酒聲瀉。幾度望高帘。歸帆雨中下。
過舊送別處

前時送画船。西港柳株邊。別處愁猶在。鴛鴦不肯眠。
懷陳寅山人時居西山昭明寺

聞看西澗月。秋閣與僧開。正是相思夜。鐘聲君處來。
略上人房竹

幽篠半梢橫。山窗颭月明。上人禪定久。不怕有秋聲。

聞鴈

江寒月黑夜。定宿蒹葭裏。叫叫過燈前。却是誰驚起。

晚坐水上

潭鳥去何深。斜陽樹半陰。偶來臨水坐。非有羨魚心。

聞謝恭夜詠詩

我非李太白。君是謝楊兒。夜半江樓雨。高眠聞詠詩。

題馬遠画醜醜

池冷畫闌幽。芙蓉伴晚愁。金盤承露重。彷彿漢宮秋。

黃葵

春晚獨餘芳。風回帶酒香。美人偏愛看。因似御衣裳。

余客雲陳山人居西山相望因有懷寄贈

深竹晝鳴鳩微涼滿寺秋老僧雖不在風雨自相留
睡足

風雨落梅村鳩啼正掩門今朝無事役睡足亦君恩
題雲林小景

歸人渡水少空林掩煙舍獨立望秋山鐘鳴夕陽下
題芭蕉

叢蕉倚孤石綠映閒庭宇客意不驚秋蕭蕭任風雨
春溪獨酌圖

春水鱖魚肥垂綸坐斷磯羊裘人易識好着舊蓑衣
大全集卷十六

池亭

虛檻枕池波閒凭看浴鷺秋荷知幾葉添得雨聲多
聞鐘

日暮遠鐘鳴山窗宿鳥驚楓橋孤泊處曾聽到舂聲
桂花

風露浥清香清陰別院涼誰能呼白鳳花下舞霓裳
鴈

初到別胡沙樓頭度影斜江南秋月好隨意宿蒹葭
紅葉

霜染滿林紅蕭疎夕照中曾供寫秋怨流出未央宮

秋雨

瑟瑟夜蕭蕭
燈前滴此宵
秋聲自難聽
况復近芭蕉
月夜飲酒

遊山

自著林間屐
來聽石上琴
老僧留客久
西嶺日將沉
聞笛

秋聲

橫吹發哀聲
江樓月正明
伊州不堪聽
都是故園情
砧韻雜鳴蛩
梧邊雨帶風
千聲秋作意
都入夜窗空

大全集卷十六

九

秋夜宿僧院

竹動鶻頻驚
秋河閣外橫
談禪貪坐久
莫遣曙雞鳴
登樓望虎丘

外舅周隱君齋竹

秋思與秋聲
閒齋對夕清
幽人夢回處
煙鳥月中鳴
寧真道館夜觀茅隱君画

看山如見君
君家在山下
仙館憶君時
明燈對圖回
竹林高士圖

竹深斜日在
獨鶴見扉開
誰顧閒居者
惟應二仲來

詠水邊桃花

一片欲隨流，殘妝照影愁。誰來唱桃葉，風雨送離舟。
芭蕉美人圖

琴罷詠春朝，餘醒吸露銷。詩成無落葉，聊爲寫芭蕉。
王主簿小園

夏葉風苗長，秋瓜雨蔓新。誰言趨府客，却似灌園人。
晚尋呂山人

小艇載琴行，松花落晚晴。君家最可認，隔樹有書聲。
黃氏延綠軒

蔥蔥溪樹暗，靡靡江蘼溼。雨過曉開簾，一時放春入。

大合集卷一六

十

喜從兄遠歸

聞汝歸舟到，相迎只恐遲。方當見時喜，還憶別時悲。
送人遊湘中

離恨挂帆檣，隨君遠入湘。飛花蕩春影，江水不勝長。
訪丁校書不至

獨坐無與語，出門聊訪君。空回轉惆悵，芳草日將曛。
答陳山人

賣畚君當返，修琴君已歸。無爲嫌寂寞，世事意多違。

杏園

春紅雨後繁，孤墅啼鶯晚。聞道曲江園，遊人近來少。

瓜圃

傷瓜其傷蔓傷蔓子生稀留待經霜露盈筐採得歸

志蹊

獨行林下路望望南山暮無酒掇英嘗寒香已零露

梅塢

春暗雲如雪難招落漢魂空林酒醒處月墮客敲門

題許瀾伯畫

望秋倚高閣隔江望層巒不見度僧歸煙深暮鐘遠

除夕客中憶女

別家非願久回首已徂年今夜寒齋雪何人聽折絃

大全集卷二十六

十二

歲暮

已嗟求道晚復省濟時難碌碌成何事天涯又歲闌

題攜琴訪友圖

孤騎復孤琴披嵐入澗陰遠尋君莫訝城市少知音

鴛鴦

兩兩蓮池上看如在錦機應知越女妒不敢近船飛

題張校理画

寒色初疑野秋聲忽在林遙山不能見祇爲晚煙深

題湘南雨意圖

南禽暮啼起門掩湘祠裏脉脉半江陰春雲與春水

題扇上竹枝

寒梢雖數葉高節傲霜風寧肯隨團扇秋來怨篋中
題李迪畫火

天平山五丈石

護兒偏吹客花下卧晴莎莫出東原獵春來兔乳多
勢危撐月直影瘦倚雲平彷彿峰頭井蓮花一半生
別呂隱君

林下

孤舟晚溪口欲去重回首不忍別青山况此山中友
樹涼山意秋雲澹川光夕林下不逢人幽芳共誰摘

不寐懷徐記室

齋寒掩孤燭城遠沉雙杵憶爾忽長吟驚散牀頭鼠
雪中自雲巖晚歸西村客舍

其二

乍與諸僧別還依一叟鄰柴門閉風雪誰候暮歸人
隔浦煙墟遠侵沙雪樹稀行人緣底事不及鳥先歸
立春前十日寄會稽周軍咨

柳燕圖

的的玩芳樹依依懷遠人予山雖隔郡十日共逢春
柳上銜蟲立春風似有情和枝吹裊裊方覺爾身輕

隔簾聞歌

葉逐散聲飛，湘雲隔妓衣。誰能偷卷看，認是小叢非。
訪張司馬不值書園亭壁

亭午鶻鳴雨，果園花已稀。偶來因忘去，非待主人歸。
壺中插緋碧桃花，旣而碧桃先落

白嫩倚紅嬌，朝看訝獨飄。應緣霞氣暖，烘得雪先銷。
優人李州僑乞米

曾稱富貴客，粉墨尊前面。憔悴立窮途，渾非舊時見。
其二

戲場鼓笛靜，人無太平樂。爾莫怨飢寒，梨園亦零落。

大合集卷十六

十三

綵索

臂頭長命縷，百結更雙蟠。怕有痕生肉，教依玉釧寬。
釵符

靈篆時紗囊，薰風綠鬢傍。從今能鎮膽，不怯睡空房。
燒筍

幽人嗜燒筍，出土不容長。林下孤煙起，風吹似竹香。
江寺雨中訪杜二

幾日纜歸舟，同君野寺遊。舊懷言未盡，不是雨相留。
寒夜與家人坐語憶客中時

茶屋夜燈青，竹庭寒雪白。不對室中人，依然去年客。

題楞伽山寺壁

惆悵空山裏，寒梅應自開。
雪中何處覓，須待雪晴來。

贈僧本空

了性本來空，遊方不復東。
月明秋澗靜，趺坐一山中。

聞霰

初訝驚沙過，復疑疎葉落。
寒霰夜聞時，窗空人寂寞。

江上漫成

春色到江濱，江花樹樹新。
行吟憔悴客，誰道亦逢春。

雨中過玉遮山

松頭急風迴，飛雨不到面。
何處豁清愁，千山一人見。

大全集卷十六

十四

其二

尋鐘入蒼茫，一澗復一崦。
落葉去方深，山扉雨中掩。

畫花鳥

語倦立還欹，花垂裊裊枝。
美人妝閣靜，斜日下簾時。

種瓜

絲絲花蔓紫，颯颯風煙灑。
秋來子正多，不似黃臺下。

摘瓠

輪囷卧霜露，秋曉摘初歸。
自笑詩人骨，何似似爾肥。

懷蜀山人

靄靄衆山暝，秋禽鳴澗竹。
知君高詠餘，聽鐘掩窗宿。

諸君會宿鶴瓢山房題畫賦詩予將赴召不
得預明日補題其上

偶趨蘭省召不預竹林歡山水圖中景明朝在路看
山中夜行

登隴日已沉出谷月初上夜行畏虎聞無奈車聲響
赴京道中逢還鄉友

我去君却歸相逢立途次欲寄故鄉言先詢上京事
泐禪師室中晚坐

綠陰欲滿寺禽鳴春雨餘聊因簡牘暇窗下閱僧書
白葵花

大全真卷十六

十五

素彩發庭陰涼滋玉露深誰憐白衣者亦有向陽心
馬氏東軒

陽和受最多爽氣看應少晞髮此窗前雞鳴海天曉
得家書

未讀書中語憂懷已覺寬燈前看封篋題字有平安
期陳則不至聞宿清隱蘭若

幽禽雨中響門掩春塘綠思君暮不來應伴山僧宿
碧筍飲

綠觴卷高葉醉吸清香度酒瀉正何如風傾曉盤露

曉發山驛

風殘杏花曉馬上聞啼鳥茅店未開門山多住人少
焚香

斜霏動遠吹暗馥留微火心事共成灰窗間一翁坐
榴花

日炙態常醺香生若自焚夜來端午宴淡却美人裙
階前苔

莫掃雨餘綠任滿閒階路畱藉落來花春泥免相汗
僧舍訪呂隱君爲學上人題墨竹

山房竹雨過簾影靄春雲得與幽人會何殊見此君
題孫卿家小畫

大全集卷十六

十六

高嶺冒層嵐疎林逗殘照何處覓孫登雲間聽長嘯
其二

前林遠杵歇別院疎鐘起行人與居人同在秋雲裏
久別幼文偶見其畫遂題

幾壘蜀山雲秋林半夕曛畫中藜杖者相見只疑君
題榮悴竹圖

嫩葉與殘枝相依暮雨時莫將榮悴看節在不曾移
叢竹圖贈內弟周思敬就題

窈窕復蒙茸千山萬竹中幽人夜驚起秋雨共秋風
題張來儀畫贈張伯醇

風起澗聲亂景寒雲氣深山人歸卧晚詩意滿秋林
次韻及禪師懷王水曹

十峰一寺遠雲滿跣趺處無客伴孤禪懸燈照深樹
其二

鍾動雲壑冷鶴歸人不歸應思躡金策同向海天飛
夜聞雨

窗燭冷殘夜聞蛩更聞秋雨秋館總多愁猶勝在羈旅
大癡小画

溪水雖多曲舟行不憚賒山山秋樹赤猶復似桃花
吳仲圭枯木竹石

大全集卷十六

十七

叢篠倚喬柯秋陰雨尚多風霜莫搖落畱蔭石邊莎
題倪雲林画贈因師

含暉峰下路樹石盡垂藤欲認莓苔迹相尋行道僧
題徐山人画贈內弟周思恭

複澗兼重嶺雲嵐處處生君家還可認爲有讀書聲
訪因師而師遍詣余兩不相值

我去尋幽院師來訪小園休言不相見相見本無言
題画贈別

扁舟暮歸去別路江南樹愁指楚山遙明朝望君處
龍門飛來峰

風吹峨眉雲東依此山住我來不敢登只恐還飛去
待渡

渡子未迴舟立傍沙頭樹天寒雪欲來莫滯人歸去
西澗訪行人

日暮冒餘雪望煙西澗陰不因師住遠何事到山深
蔡村田家

田中未聲歇煙火西林起獨立候歸人柴門夕陽裏
夢中作

悠悠衆擾去寂寂孤吟歇雨過滿窗涼高林上明月
要離墓

大全集卷十六

六

弱夫殺壯士誰敢嬰餘怒今日古城邊畊人肆侵墓
顧野王墓

南朝舊碑倒墓近樵蘇道應與讀書堆離離總秋草
卓筆峰

雲來初似墨鴈過還成字千載只書空山靈恨何事
硯池

山骨誰鑿破一泓自深黝醉後欲濡毫蜿蜒見蚪蚪
千人石

池上無陀石千人列坐曾如今跌夜月唯有一山僧
五塢山

飛泉塢

山空響更遠
雨過流還急
餘沫灑廻風
一林紅樹溼
修竹塢

丹霞塢

色映溪冗沉
秋雲生夕陰
無限楚山意
鶴鳴風滿林
遙聞丹霞塢
中有餐霞者
絳彩發朝朝
還同赤城下
白雲塢

芳桂塢

雲開見山家
雲合失山路
聞語知有人
欲尋已迷悞
欲攀淮南樹
人去山寂寞
嫋嫋涼風生
疎花月中落

芹

大全集卷十六

十九

飯煮憶青泥
羹炊思碧澗
無路獻君門
對案增三歎
蓴菜

紫絲浮半滑
波上老秋風
憶共香菰薦
吳江葉艇中
芭蕉

簾捲綠陰行
閒聽雨聲卧
還有高秋詩
窗前書葉破
中秋

此夕月華流
應分一半秋
誰能尋庾亮
吹笛上南樓
九日

攜壺還采菊
惆悵獨登高
憶在詞林日
華筵食賜醪

一題畫贈許瀾伯

冷冷風中絃渺渺雲間鴻秋懷不可寫日暮青山空

病酒

日高頭未櫛困卧對山花暫謝高陽侶窗間獨飲茶



